

**17 января. Предпразднство Богоявления.
Собор 70-ти ап. Преп. Феоктист**

ВЕЧЕРНЯ (ПРИХОДСКАЯ)

Стихиры на «Господи, воззвах»

Канонарх: Глас 4, Гóсподи, воззва́х к Тебе́, услы́ши мя.

Лик: Гóсподи, воззва́х к Тебе́, услы́ши мя./ Услы́ши мя, Гóсподи./ Гóсподи, воззва́х к Тебе́, услы́ши мя:/ вонми́ гласу моле́ния моего́,/ внегда́ воззвати ми к Тебе́.// Услы́ши мя, Гóсподи.

Да испра́вится моли́тва моя́,/ я́ко кади́ло пред Тобо́ю,/ воздея́ние руку́ мое́ю/ же́ртва ве́черняя. // Услы́ши мя, Гóсподи.

святых семидесяти апостолов на 3

На 6, стих: Аще беззако́ния на́зриши, Гóсподи, Гóсподи, кто постои́т? / Я́ко у Тебе́ очище́ние есть.

Клео́пу, Андрони́ка,/ Силу́ана же и Ага́ва,/ Ана́нию и Фили́ппа,/ Прóхора, Никано́ра/ Ру́фа и Сосфе́на,/ Ли́на же и Стахи́я, Стефа́на, Тíмона,/ Е́рма, Фле́гонта, Ма́рка, Луку́,/ Сосипáтра, Иáссона и Га́ия,/ и Тихи́ка, и Филимо́на// свяще́нными пёсньми, ве́рнии, ублажи́м.

Стих: Имене ра́ди Твоего́ потерпéх Тя, Гóсподи, потерпé душа́ моя́ в сло́во Твое́, /

упова́ душа́ моя́ на Гóспода.

17 января. Предпраз. Богоявления, Собор 70-ти ап. Преп. Феоки́ст

Наркíсс и Трофíм,/ Кéсарь, Зíна и Аристáрх,/ Мáрк, Сíла и
Га́ий,/ Ермíй и Асинкрíт,/ Аполлос и Кíфа, Клим и Иу́ст,
Куáрт, Ера́ст, Лука́, Онисíфор,/ Карп и Евóд, Матфíй и
Иа́ков,/ Урва́н и Аристову́л,/ Тихíк и Аристáрх// досто́йно
да почтáются.

На 4, стих: От стра́жи у́тренняя до но́щи, от стра́жи у́тренняя, /
да упова́ет Изра́иль на Го́спода.

Пу́да, Иродио́на и Артéму,/ Филоло́га, Оли́мпа же и Родио́-
на,/ Апéлла и Ампли́я,/ Патро́ва и Ма́рка,/ Тэ́ртия и Фаддэ́я,
Епенéта чу́днаго,/ Аха́ика же, Аки́лу, Лукíя, Варна́ву,/ и
Фуртуна́та, и Апо́лла сла́внаго, и Кри́спа// почтíм, честны́я
Богопроповéдники.

прп. Феоки́ста, игумена Кукума Сикелийскаго на 3, глас 2

Глас 2. Стих: Яко у Го́спода мíлость, и мно́гое у Него́ избавлéние, /
и То́й изба́вит Изра́иля от все́х беззакóний его́.

Егда́ уязвíл еси́ дýшу/ желáнием Божéственным,
всеблажéнне,/ ра́дуясь, взял еси́ твой крест,/ и послéдовал
еси́ Христú,/ и, умертвív мудровáние плотскóе
воздержáнием,/ Дýха дéйство жíво восприя́л еси́,/ решíти
недúгов зíму/ теплото́ю молíтв твои́х Богоприя́тных,//
тэмже ты соглáсно ублажа́ем.

На 2, стих: Хвалíte Го́спода все́ язы́цы, /
похвалíte Его́ все́ лю́дие.

Егда́ приле́жными молíтвами/ и твердéйшим пощéнием/
зрíteльное ду́ши, óтче, очíстил еси́,/ храм был еси́
Трисóлнечнаго Божества́/ и, священства помáзание

17 января. Предпраз. Богоявления, Собор 70-ти ап. Преп. Феоктист

Божественное святое приим,/ внутрь невходных вшел
еси,/ закалая тебе ради Заклавшагося,// ради сшества
неизглаголаннаго.

Стих: Яко утвердися милость Его на нас, /
и истина Господня пребывает во век.

Кроток, незлобив явлься,/ в целости нрава, отче Фе-
октисте,/ наследовал еси кротких воистинну землю/ и,
причастием обожаемь,/ пищи наслаждаешися,/ и радости,
и веселия истиннаго,/ идеже поминая не претай искренно
тя почитающих// и твоё совершающих Божественное
успение.

Слава, и ныне, глас 3: Слава Отцу, и Сыну, и Святому Духу, /
и ныне, и присно, и во веки веков. Аминь.

Ясен убо мимошедший праздник,/ славнейший же
настоящий день:/ во он Спасу волсви поклоншася,/ в сей
же Владыку раб славен крести./ Тамо пастырие
свиряюще,/ видевше и чудяхуся,// где же глас Отчий
Единороднаго Сына проповеда.

Стихиры на стиховне

Предпразднство Богоявления на 3

Канонарх: Глас 8, Сый Огнь нестерпимый

Сый Огнь нестерпимый,/ брению и сёну мне сущу, Христе
мой,/ что святую Твою преклоняеши главу,/ еяже Ангель-
ская трепещут множества? -/ рече Иоанн ко Творцу, егда
крестится прииде.// Велико Твоё есть, Благоутробне Жиз-
нодавче, низшествие.

17 января. Предпраз. Богоявления, Собор 70-ти ап. Преп. Феоки́ст

Стих: Сего́ ра́ди помяну́х Тя /

от земли́ Иорда́нски и Ермоний́мски.

Се Просвеще́ние на́ше,/ Избавле́ние, Спасе́ние,/ хотя́,
предгряде́т на Иорда́не обнажи́тся я́ве/ и оде́яться, я́ко
ри́зою, вода́ми,/ обнаже́ние одева́я всех,// обна́жшихся
зми́я сове́том сопроти́вным.

Стих: Ви́деша Тя во́ды, Бо́же, /

ви́деша Тя во́ды и убо́яшася.

Огнь нестерпи́мый вои́стинну,/ хотя́, предгряде́т ко Иор-
да́ну/ очи́стити мя, сокруше́ннаго преступле́нием лука́-
вым,/ дождь Небе́сный прие́млет,/ посре́ди вод омы́ти мя
от скве́рны мно́гих мои́х прегреше́ний,// я́ко Щедр и Много-
ми́лостив.

Слава, и ныне, глас 6: Сла́ва Отцу́, и Сы́ну, и Свято́му Ду́ху, /

и ны́не, и прі́сно, и во ве́ки веко́в. Ами́нь.

Гряде́т ко Иорда́ну Христос́ И́стина/ кресті́тися от Иоа́нна,/
и рече́ к Нему́:/ аз тре́бую от Тебе́ кресті́тися./ И Ты ли
гряде́ши ко мне?/ Не сме́ю, се́но, прикосну́тися Огню́:/ Ты
мя освяти́, Влады́ко,// Божество́нным явле́нием Твои́м.

Тропари

Тропа́рь святы́х седми́десяти апо́столов, глас 3.

Апо́столи святы́и,/ моли́те Ми́лостиваго Бо́га,/ да
прегреше́ний оставле́ние// пода́ст душáм на́шим.

Сла́ва Отцу́, и Сы́ну, и Свято́му Ду́ху, и ны́не, и прі́сно, и
во ве́ки веко́в. Ами́нь.

17 января. Предпраз. Богоявления, Собор 70-ти ап. Преп. Феоки́ст

Тропа́рь предпра́зднства Богоявле́ния, глас 4:

Гото́вися, Завуло́не,/ и красу́йся, Неффали́ме,/ Иорда́не
реко́, ста́ни,/ поды́ми, взыгра́я, кресті́тися гряду́ща Вла-
ды́ку,/ Веселі́ся, Ада́ме с прамáтерию,/ не крѳ́йта себѳ́,
якоже в ра́и прѳ́жде,/ і́бо, на́ги ві́дев вы, яві́ся,/ да обле-
че́т в пе́рвую оде́жду:// Христос́ яві́ся, всю тварь хотя́ об-
нові́ти.